



Կ Ր Օ Ն Ա Կ Ա Ն

ԱՍՏՈՒԱԾԱԲԱՆԱԿԱՆ ԳԻՏՈՒԹԻՒՆՆԵՐԸ:

(Շարունակութիւն):

ԳԱԻԱՆԱՐԱՆՈՒԹԵԱՆ ՇՅԻՒՂԸ:

Իւրաքանչիւր աւարկայի շաւիղը գլխաւոր տեղ է բռնում նորա մշակման մէջ. այս առաւել ևս շեշտելի է տեսական գիտութիւնների նկատմամբ: Այդ իսկ պատճառով անհրաժեշտ է

մի առանձին հայեացք ձգել դաւանաբանութեան շաւղի (մեթոդի) և ընթացքի վրայ, քանի որ այդ գիտութիւնը խիստ նուրբ հիմնաքար և ճանապարհ ունի, մանաւանդ որ սովորաբար դաւանաբանութիւնն են հասկանում աստուածաբանութեան տակ:

Հարկ է նկատել որ դաւանաբանութեան բանական գաղափարները ուսումնասիրութեան համար անհրաժեշտ է ունենալ արամաբանական սուր մտածողութիւն, Հայաստանեայց եկեղեցու ոգու և դաւանանքների հաստատուն ճանաչողութիւն: Սակայն ոչ թէ պատահաբար բեռնաւորուած գլուխներ են պէտք սորա համար, այլ իմաստասիրաբար կրթուած: Գաւանաբանութեան ընթացքն անհասկանալի կլինի թէ նոցա, որոնց հաւատքն որպէս հեթանոսի մէջ՝ խախտուած է և թէ նոցա, որոնք հրէական ձեւակաւութեամբ երեւում են թունդ հաւատացողների, բայց ներքուստ նման են գերեզմանաց բռելոյ, որ արտաքոյ երեւին գեղեցիկ, և ի ներքոյ լի են ոսկերօք մեռելոց և ամենայն պղծութեամբ, դքա են, որոնք այս ու այն գրքից գաղափարներ պոկելով՝ մի օր հռովմէական կգառնան, միւս օրը բողոքական, առանց գիտենալու՝ որ հերետիկոսութեան մէջ են ճախրում: Քանի գիպող կլինին ս. Յուսիկի խօսքերը գէպի դոցա ուղղուելով՝ «գարթիր ի թմբութ ենէդ» որ ոչ է ի քնոյ, սթափեաց յարբեցութ ենէդ՝ որ ոչ է ի գինւոյ, այլ վայի արժանիս:

Մեր առաջնորդողները պէտք է լինին, որպէս յիշուեցաւ, Հայոց եկեղեցու պանծալի հայրերը, դոցա հետեւելով միայն կրստանանք Հայաստանեայց եկեղեցու դաւանաբանութիւնն իմաստասիրական մշակման մէջ: Արդ՝ ի նկատի ունենալով Հայոց հաւատամքը, մենք ուրիշ բաժանումներ չենք յառաջացնիլ՝ բացի նորա մէջ արտայայտուած կէտերը, սակայն նախապատրաստական մասն ևս աւելացնելով կստանանք հետեւեալը.

Ա. Նախապատրաստական մաս՝ դաւանաբանութեան էութեան, կրօնի, կրօնների, դոցա սլաւոմական տեսութեան, յայտնութեան, եկեղեցու, ս. Գրքի, նոյնպէս և Հայաստանեայց եկեղեցու դաւանական աղբիւրների և այլ դոցա յարակից նիւթերի վրայ:

Բ. Աստուած և Նորա յարաբերութիւնն առ մարդիկ և առ աշխարհը:

Գ. Մարդն իւր յարաբերութեամբ դէպի Աստուած և դէպի աշխարհը:

Կ. Քրիստոս Աստուածամարդն և Նորա փրկագործութիւնը. նոյնպէս և ս. Երրորդութեան անձանց յարաբերութիւնները:

Ե. Մարդն և քրիստոնէական համայնքն (եկեղեցի) իւրեանց փոխադարձութեամբ, ընդ նմին և յարաբերութեամբ թէ առ փրկիչն և թէ նորանով դէպի աշխարհը:

Արդէս աստուածային յայտնութիւնը մարդկանց համար է և մարդկապէս է ստանում իւր արտայայտութիւնն¹, այնպէս և ս պարտ է յառաջագրուիլ ըստ մարդկային հոգևոր զարգացման²: Գաւանանքը ձևական կդառնայ, եթէ գաւանոյր յառաջագիմէ իւր կարողութիւններով և թողնէ հոգևոր այդ վե՛հ շրջանը. վասն զի զարգանալով ընդլայնում ենք մեր հայեցողութիւնները, մշակում ենք մեր պատկերացումներն և այն ժամանակ բաժանում ենք առաջուայ տեսութիւններից և չենք հասկանում մեր գաւանանքների տակ այն՝ ինչ որ մեր պանծալի նախնիք են հասկացել: Այդպէս է լինում որ գաւանանքը, վե՛հ հայեցողութիւններն ու գաղափարները կորցնում են իւրեանց նշանակութիւնը՝ չհասկացուելու գատապարտուելով: Քող օրինակ լինի չէնց այն, որ մարդ ստեղծուել է ըստ պատկերին Աստուծոյ, սակայն ամբոխը կարծում է թէ Աստուած մարմնաւոր կերպարանք ունի. այդ յառաջանում է գիտնական մշակումից զուրկ բառեր և միայն բառեր ձևապէս գաւանելուց: Այսպիսի շեղումներից ազատ լինելու համար է հարկաւոր կանոնաւոր մշա-

1. «Աւր խոնարհութեամբ խօսի Աստուած ընդ արարածս, զմարդասիրութիւնն իւր յայանէ. եթէ որպէս էրն՝ և յայանէր զինքն, եղեալքս յապականութիւն գառնային առաջի նորա»: Եղիշէ, անգ. էջ. 225:

2. «Ձմարդ սիրէ քան զբոլոր արարածս. և կամի ի ձեռն նշանացն՝ զի զանեղ բնութիւնն ծանիցեն, և ի ծանաչելոյ անտի լիցի սիրոյ բարեկամութիւն. և գարձեալ ևս վերագոյնս ձգիցէ, որպէս թէ իւր իսկ առնիցէ գահակից»: Եղիշէ, անգ. էջ. 227:

կուճն: Մենք պէտք է ձգտենք, որ առաջին դարերի քրիստոնեաներին հասկանալի եղած գաղափարները մեր զարգացման մատչելի համոզմունքներ դառնան:

Աստուծոյ մասին մեր ճանաչողութիւնն արտայայտելու համար գործ ենք ածուժ մեր բառերն, որոնց տակ իսկապէս շատ առաւել բարձր բան ենք հասկանում, քան սովորաբար, վասն զի «զնորա զանուէն ոչ որ գիտաց, զի չէր և ս անգր քան զնա որ որ անտի և այսր անուանեսցէ», այլ «վասն առաւել սիրոյն իւրոյ անանուէն յանուէն գայ»¹: Ուրեմն բոլորն՝ ինչ որ ասում ենք մեր զաւանածն որոշելու համար՝ մարգկային է, որի տակ պէտք է քանանք ճշմարիտ աստուածայինը հասկանալու, քանի որ «զնմանութեան ըստ ի կարծիս առեալ զմերոյ բնութեանո, նմանութիւնք ցուցանեմք աներևութին վասն մերոյ անհասութեան», ասում է ս. Գրիգոր Լուսաւորիչը², բայց և այնպէս ոչ ոք կարէ ասել զարժանն զնորա զամենազօր մեծութենէն: Քրիստոնէական Աստուածը մարգկային Աստուած է և մարգկապէս է տալիս իւր յայանութիւնն, որպէս զի հասկանանք Նորան, անբաւ է մարդոյ տեսանել զԱստուած գոյիւ իւրով, իբրև մամոյ զհուր, բայց իբրև ինքնակամ կամօք բարերարութեամբ իւրով զինքն ցուցանէր, ի կերպարանս մտրգոյ երևէր...: Վասնորոյ մարգկային մտաւոր² զէնքերը պէտք է գործադրենք՝ մեր ճանաչողութիւնը Նորան մօտեցնելու համար: Այդ զէնքերից կտար սափի միայն նա, որ համոզմունքի ամբութիւն չունի: Այդ է այն շաւիղն, որով պէտք է հասկանանք թէ Աստուծոյ և թէ նորա արարչութեան և նախախնամութեան մասին վարդապետութիւնը:

Թէ տիեզերքն և թէ մարդը պէտք է նաև ըստ արտաքին գիտու-

1. Ագաթանգեղոս, էջ. 209, Յաճախապ. էջ. 12.

2. Ագաթ. էջ. 209: Սակայն բնաւ չպէտք է մոռանալ Գեօթէի Նշանաւոր խօսքերը թէ «Իւրաքանչիւր մեծ գաղափար, որ ինչպէս մի աւետարան աշխարհ է գալիս, գայթակղութիւն կերևի թանձրամիտ իմաստակ ժողովրդին, իսկ շատ՝ բայց թեթև զարգացածներին— յիմարութիւն»: Տես. և 1 Կորնթ. Ա, 23. և Լու. թ. 33. 1. Պետր. ր. 8.

ների ճանաչուած լինին, որպէս զի մանեն քրիստոնէական հայեացքի ներքոյ, որով միայն ստանում են նորա իւրեանց վերջնական պարզութիւնը: Կսխալուի բնագէտն, եթէ միայն իւրին ոյժ տայ, առանց մարդկային էութեան ամբողջութեան ուշ դարձնելու. կսխալուի աստուածաբանն, եթէ ժխտէ արտաքինը, մարմնաւորն և միայն իւրը ճանաչէ. դոքա երկուսն ևս իրարից անբաժան են, որպէս հոգի և մարմին կենդանի մարդի մէջ 1: Աստուծնասիրելով հոգևոր և մարմնաւոր աշխարհը, մարդի ներկայ և անցեալ սկզբնական վիճակը, պարզ կտեսնենք թէ որքան կարօտ էր մարդկութիւնն երկնաւոր փրկութեան, վասն զի բաժնուելով Աստուածանից՝ նետուած էր դէպի խորխորատ: Ահա այդ ուղղում է մեր աչքերը դէպի մարդկութեան երկնաւոր Փրկիչը:

Բայց և Քրիստոսի վերաբերմամբ անհրաժեշտ է չշեղուիլ վարդապետութեան մէջ. Նա մարդացեալ Աստուածն է, մարդկութեան Փրկիչն, որ ունի ամենայն ինչ որ մարդկային է՝ «բաց ի մեղաց». Նա մի է բնութեամբ, կամքով և ներգործութեամբ, տակայն կատարեալ Աստուած է և միանգամայն կատարեալ մարդ: Նորա մէջ է հռչակում տիեզերական միութեան գաղափարն, որ ամենայն ինչ ըստ աստուածային տնօրինութեան պէտք է ընթանայ՝ իւր երջանկութեան հասնելու համար: Այստեղ ամենից պարզ տեսանելի է, որ ամենայն ինչ հարկ է աստուածամարդկային լինել, այդ միութեան սարսէ ձգտել իւրաքանչիւր մարդ թէ հաւատքով և թէ գործով: Եւ գորանում է Քրիստոսի փրկագործութեամբ երջանկանալու ճանապարհը: Հաւատալ Փրկիչն և Ս. Հոգով դիմել դէպի Նա՝ ահա աւետարանի պահանջը: Նորա բարձրագոյն սէրը պէտք է կապէ մեզ Աստուծոյ հետ. Նորա մահը

1. «Կեպլերն ասում էր. «իմ բարձրագոյն բաղձանքն է, Աստուծոյ, որին ես ամենուրեք գտնում եմ, նաև ներքուստ՝ իմ մէջ նոյնպէս գիտատ («գիտակից») լինել»: Այդ ազնիւ մարդը ինքեան չէր գիտակցում որ հէնց այն ակնթարթում իւր մէջ աստուածայինը տիեզերքի աստուածայինին հետ ամենաճիշդ կապակցութիւնն ունէր»: Գեօթէ անդ էջ. 140.

կմեռցնէ մեզ մեղքերի համար և յարութիւնը կ'յարուցանէ առ կենդանութիւն. միայն այսպէս լսած կլինինք աւաքեալի խօսքը ճորդեցարութիւն նորոգութիւն մտաց ձերոց. իսկ այդ կլինի հաւատով, մկրտութեամբ և հաղորդութեամբ, զըջմամբ և աղաչ-խարութեամբ: Բայց միշտ հիմունք է կենդանի, գործունեայ հաւատն. այդ է եղել մ'եր նախնիքների անսասան սկզբունքն¹. ոչ թէ հաւատալ և անգործ նստել, այլ հաւատալ և գործել եւ ռանգով և փառքի պատճիւր պատրաստ է:

Գոցանով մտնում է դաւանաբանութիւնն համայնքի շրջանի մէջ, ըստ որում և նորա զբաղմունքի նիւթ է դառնում Հայաստանեայց տեսանելի և միանգամայն անտեսանելի, ազգային և ընդհանրական եկեղեցին իւր բոլոր կեանքի էութեամբ: Գաւանաբանութեան դուռը բանում է եկեղեցին և տանելով մինչև վերջ՝ իւրմով վերստին փակում: նա որ դաւանում է Հայաստանեայց եկեղեցու դաւանական և բարոյական վարդապետութիւնն և նորանով որոնում իւր փրկութիւնը՝ նա ունի և իրաւունք իւր եկեղեցու շնորհները փոյելելու կամ նորա մէջ իւր երջանկութիւնը գտնելու կամ նորա համար աշխատելու: նորա մէջ հաւատացեալը միայն կարող կլինի գտնել իւր վերջին սփոփանքն ու միւս կեանքի անմահութիւնը: Բայց եկեղեցին միմիայն նեղ

1. Այդ ամփոփուած է գեղեցկապէս Վահան Մամիկոնեանի մէկ թանգագին երգի մէջ. (Թովմ. Արծրունի. Պետերբուրգ. 1887. էջ. 84).

« Հապա՛ քաջք՛

Վառեալ ի զէն

Ի յասպաղէն,

Արիաբար մարտիցուք.

Մի՛ երկիցուք

Ի բազմութենէ զօրաց նոցա.

Տէր խորաակէ

Զպատերազմողսն,

Տեառն է պատերազմ,

Տէր սկար առնէ

Զհակառակողսն,

Տէր է յոյս մերս:

օրերի փախստարան կամ պառսպարան չէ. այդպէս կարծողների համար եկեղեցու դուռը կփակուի և «նչ յանուն քո մարգարէացաք» ասողն «նչ երբէք գիտէի զձեզ, ի բաց կացէք յինէն ամենեքեան՝ ոյք գործէիք զանօրէնութիւն»¹ կլսի իւր խղճի մէջ:

Այս է դաւանաբանութեան պարզ ստուերագիծն, որչափ առ այժմ կարելի է ընդհանրապէս խօսել նորա վրայ: Յայտնութեան և իմաստասիրական աշխարհը պէտք է բացուի նորա մէջ և ծաւալուի որպէս զի կարենայ լուսաւորել տատանուողների խղճալի մտքերը: «Ամենայն սուրբք առանց բանի պատմութեան խօսին ընդ Աստուծոյ, և առանց ձայնի արձակելոյ ի վերուստ՝ լսեն վամաց նորա. և զոր ասենն և զոր լսենն՝ ընդ գրով արկանել ոյ կարեն... Եւ յորժամ զայսպիսի զօրութիւն յոգիս մեր հետազօտեմք, կարեմք զծածուկս բանին Աստուծոյ ծածկապէս ի մանալ, և զտուչութիւն պարգեին որ շնորհեաց մեզ՝ արտաբերեմք բարբառով. զի և յայլոց լսելիս ազգիցէ հնչումն երկնաւոր»², ամիտիումէ, ինչ որ պէտք է ասուէր, Հայաստանեայց եկեղեցու քաջ ախոյեանը: Սակայն նորա հետ հարկ է կրկնել նաև թէ՛ մի փութացուք մարմնաւոր աչօք տեսանել զԱստուած, զի մի ծախիցիմք տարաժամ»³:

24.

ԲԱՐՈՅԱԲԱՆՈՒԹԻՒՆ.

Հաւատքի վեմի վրայ ամուր համոզմունք կազմելով, մոնում

1. Մատթ. է, 23.

2. Եղիշէ, անդ. էջ. 233.

3. Եղիշէ, անդ. էջ. 203, Գաւանաբանական նուրբ տեսութիւններ ունի յիշատակուածներից զաստ. Եզնիկ, որի «Գիրք Ընդգիմութեանց»-ի վերջին ապագրութիւնն է Վ. Պօլիս, Արամեան ապարան. 1869. Սա կրուումէ գլխաւորապէս հեթանոսական մոլորութիւնների դէմ: Քրիստոնէական աշխարհի մոլորութիւնների մասին՝ բացի յիշուածներից նշանաւոր է քրիստոնէական ամենաէական սկզբունքի հակառակորդների դէմ. La papauté schismatique ou Rome dans les rapports avec l'église orientale, par M. l'abbé Guettée. Paris 1863.

ենք բարոյական հանդէսի մէջ: Բարոյական հանդէսն ևս ամբայ-
նում է մեր հաւատքը, քանի առաւել փորձով տեսնում ենք՝ թէ
հաւատքի հեռեանքների կամ բարոյական կեանքի մէջ ենք գրա-
նում մեր երջանկութիւնը: Այսանորոյ և ս. Գրիգոր Առաւարիչ
ասում է. տրպէս անդամօք կանգնի հասակ, այսպէս բարի գոր-
ծովք կանգնին հաւատք, և հաւատով ստուգի յոյս և յուսովն
հանդէսը: Կամ բոլորովին կարճ ասելով՝ հաւատքն ամփոփում
է իւր մէջ թէ յոյս թէ սէր և թէ բարի գործ: Հաւատքն է՝ որ
հալածում է թէ այլանդակուած սանձարձակութիւնն և թէ
կեղծաւոր փարիսեցիութիւնը¹:

Ահա Հայաստանեայց եկեղեցու բարոյաբանութիւնը տալիս է
ճշմարիտ տեսութիւն բարոյական կամքի մասին, որ պէտք է բըղ-
իսի ճշմարիտ հաւատացողի կամքից և ծաւալուի նորա բոլոր
գործունէութեան մէջ: Մի և նոյն արմատից աճում են դաւա-
նաբանութիւնն ու բարոյաբանութիւնը, սակայն դաւանաբանու-
թիւնն է տալիս բարոյաբանութեան հիմունքներն և երկուսն ևս
գրեթէ մի և նոյն շաւղով են ընթանում, այն է՝ քրիստոնէականն
ու իմաստասիրականը կապելով իրար հետ: Եւ այդ հասկանալի
է, վասն զի կրօնն և իմաստասիրութիւնը ծագում են լիապէս
մարդկային հոգուց և այն՝ ինչ որ հրամայւում է մարդկային
բանականութիւնից բարոյականութեան նկատմամբ, բնաւ չի կա-
րող մերժուիլ քրիստոնէութիւնից, սր նոյնն է պահանջում: Հար-
կաւ քրիստոնէական և իմաստասիրական բարոյաբանութեան

1. Առհասարակ բոլոր անբարոյականութիւնները անձնական թուլութիւ-
նից են յառաջանում. «բնաւորութիւնները յաճախ օրէնք են դարձնում
թուլութիւնը...: Թոյլ մարդիկ ունենում են յաճախ յեղափոխական հա-
մոզմունքներ. նոքա կարծում են թէ իւրեանց համար լաւ կլինի, եթէ
չկառավարուէին, և չեն զգում թէ ինքեանք ո՛չ ինքեանց և ո՛չ այլոց
կարող են կառավարել»: Գեօթէ, նոյն իսկ ամբարտաւանութիւնն ու նա-
խանձը՝ մեր հասարակութեան յառաջագիմութիւնն սպանող ախտերը՝ թոյ-
լերի մէջ են վառւում: Հոգով հարուստ կամ առաւելութիւն ունեցող ան-
ձինք չեն նախանձում: այլ ուրախանում են ընկերի առաւելութեան վրայ:

մէջ կայ մէկ որոշ տարբերութիւն, սակայն այդ տարբերութիւնն ոչ թէ սկզբունքի վերաբերմամբ է, այլ շաւղի, բանավարդի, վասըն դի առաջինը հետևեցնում է իւր տեսութիւնները մի որոշ քրիստոնէական, իսկ երկրորդը լսկ մարդկային՝ գիտաստութիւնից: Քրիստոնէական բարւոյ վարդապետութեան ճանապարհը ուղղում է դէպի իւր բարձրագոյն տիպարը՝ Քրիստոս, մինչդեռ իմաստասիրականը — դէպի սոսկ բարոյականութիւնն, որ մարդի որոշմունքն է. սա թէ և զարգացել է քրիստոնէական շրջանում այնուի հանգերձ ամեն մարդի համար է, մինչդեռ նա միմիայն քրիստոնէային է վերաբերում: Իմաստասիրականի մէջ առաջնորդողը մարդկային բարոյական ինքնորոշումն է, իսկ քրիստոնէականի մէջ աստուածային Հոգու յայտնութիւնն, որ տանում է մեզ դէպի առաքինութիւն 1: Այլ և սլարտիքը ծագում է առաջնի մէջ աշխարհի հետ ունեցած յարաբերութիւնից, իսկ երկրորդն դէպի աստուածային արքայութիւնն ունեցած վերաբերմունքից:

Սակայն երկուսն ևս իրարից չեն տարաձայնում, վասն դի երկուսի նպատակն է տալ ճշմարիտ մարդի բարոյական տիպարը. դորա իրար չեն կարող հակասիլ, միայն թէ քրիստոնէականի մէջ կրօնը կամ կամակցութիւնն Աստուծոյ հետ՝ արմատն է բարոյականութեան, իսկ իմաստասիրականի մէջ պոսիկը, մէկում բղխող է՝ միւսում բղխուող: Իմաստասիրականը քաղում է իւր տիպարը քրիստոնէականից, իսկ քրիստոնէականը պատրաստ ունի յայտնութեան տուած տիպարը, միայն թէ բանավարում է և իմաստասիրական տեսութիւնները: Քրիստոնէական սէրը բրդ-

1. *Տես*, և А. Гусевъ. Зависимость морали отъ религиозной или философской метафизики. По поводу исповѣди графа Л. Толстого. Моск. 1886. Проф. К. Ярошь. Вопросы современной морали. Харьковъ. 1887. Этика Аристотеля. Пер. Радлова. Спб. 1887. Эпиктетъ. Настольныя замѣтки стоическ. морали. Пер. Зайцева. Казань. 1883. Оболенскій. Л. Толстой, его философск. и нравст. идеи. Кратич. этюдъ. 2-е изд. Спб. 1887. К. Д. Кавелинъ. Задачи Этики. Изд. 2-е Спб. 1887. Հայերէն կան միայն իրատական ժողովածուներ, որպէս՝ Թանգարան իրատու, յորինեալ ի Պօղոս արքեպ. Անգրիանուպօլսեցոյ . . .

ՍՕրթագիւղ 1824. ևն:

խում է Քրիստոսից համայնական եղբայրութեան մէջ և սպա-
 ծաւալում և դէպի մարդկութիւնն, իսկ իմաստասիրական բա-
 րոյաբանութեան մէջ մարդկային պատուի յարգումը բարձրագոյն
 օրէնք է և նորանից ճիւղաւորում է արգարութիւն և սէր դէ-
 պի կեանքի բոլոր կողմերը: Այստեղից արդէն պարզապէս երի-
 ւում է քրիստոնէական բարոյաբանութեան անհամեմատ բարձ-
 րութիւնն ու զօրութիւնն, որ ոչ միայն մարդկային բնութիւնից
 է ծագում, այլ գլխաւորապէս հաղորդւում է նորան իբրև աս-
 տուածային ճշմարտութիւն: Աստուածային շնորհն և վրկարար
 ներգործութիւնը հիմնական տեղ են բռնում այստեղ: Նա պա-
 հանջում է քրիստոնէական համոզմունք, որից և ձգտումն դէ-
 պի կատարելութիւն. նա ոչ թէ հաստ հաստ պատուիրաններ է
 տալիս, այլ աչքի առաջ գնելով Քրիստոսի անձնաւորութիւնն
 իբրև տիպար և գիտնականապէս զարգացնելով իւր բոլոր տե-
 սութիւնները թէ իմաստասիրական տեսակէտից և թէ Քրիստո-
 սի վարդապետութիւնից, տալիս է մի հիմնական պատուիրան.
 «եղբրուք կատարեսու, որպէս և Հայրն ձեր երկնաւոր կատա-
 րեսու է»:

Բարոյաբանութիւնը պարտիք ունի նոյնպէս՝ մաքառելու բոլոր
 մոլորութիւնների և անբարոյական տեսութիւնների, որպէս ե-
 զուիթութեան, կեղծ բարեպաշտութեան և կեղծ կամ ձևական
 ճգնութեան¹, ցուցամոլ բարոյականութեան, անբարոյականու-

1. Եւ յորժամ պահիցէք, մի լինիք իբրև զկեղծաւորսն տրամեալք,
 որ ապականեն զերեսս իւրեանց, որպէս զի երևեսցին մարդկան թէ պա-
 հիցեն. ամէն ասեմ ձեզ, այն իսկ են վարձք նոցա: Այլ դու յորժամ
 պահիցես, օժ զգլուխ քո և լուս զերեսս քո, զի մի երևեսցիս մարդ-
 կան իբրև զպահող, այլ Հօրն քում ի ծածուկ... Մատ. Զ, 16: Այդ
 կլինի միայն այն ժամանակ, երբ իւրաքանչիւրը գիտենայ իւր ամեն գոր-
 ծի էութիւնը, զորոք թէ ինչո՞ւ համար է բարիք գործում. ազօթում
 յարգում ուրիշի պատիւը, պաս պահում ևն ևն: Բայց այդ կլինի կրթե-
 լով երիտասարդին և ինքնուրոյն գիրք աւալով նորան իւր բոլոր գործերի
 մէջ, և ոչ թէ մեքենայ սարուկ դարձնելով նորան այս ու այն հեղինա-
 կութեան հրամաններին:

թեան և այլ հասարակական ախտերի դէմ: Նա պէտք է կռուէ, որպէս զի միջոյր նպատակ չդառնայ ժողովրդի մէջ, նիւթը չըտիրէ նորա հոգու վրայ, և չխոսպանացնէ նորա տատուածային շնորհն և հիմնական չարիք դառնայ հասարակութեան: Նա պէտք է ձգտէ ներշնչել իւրաքանչիւրի մէջ գիտաստութիւն, թէ ի՞նչ է ինքն, ի՞նչ պակասութիւն ունի և ի՞նչ պէտք է լինի: Լի երբ բարոյականութիւնն կճանանչուի իբրև ձգտումն, այն ժամանակ կվերանայ այն ամբարտաւանութիւնն, որ տգէտի և պակասաւորի մէջ մարմնացած է, և կյարգուի ընկերի արժանիքը յառաջողիմութեան ճանապարհ բացուելով:

Բարոյաբանութիւնն ունի երկու մաս. անհատական բարոյաբանութիւն, որ զբաղուած է սկզբունքներով, որոշում է մարդի հակումները, բարւոյ և չարի գաղափարները, մեղքն, ազատութիւնը, ձգտումների նպատակն, առաքինութիւն, պարտիքներ և ըն. ընկերաբանական բարոյաբանութիւն, որ գործ ունի արդէն բարոյական կեանքի զանազան երևոյթների, ընտանիքի, հասարակութեան, գեղարուեստի, դպրոցի, պետութեան, եկեղեցու և այլ հասարակական յարաբերութիւնների հետ: Ահա ուրեմն սրբան անհրաժեշտ է նաև հետևել ժողովրդի կեանքին, ծանօթ լինել նորա բոլոր հանգամանքներին, որպէս զի բարոյաբանութեան մէջ կարելի լինի որոշել թէ յանձնառականը թէ հրաժարականը, Հարկաւ այդ ամենի մէջ կրթութեան տեսակէտը պէտք է զարգանայ, պէտք է իւրաքանչիւր գործի էութիւնն ու նշանակութիւնը ճանաչուի և գիտաստական լինի, որպէս զի այն՝ որ հոգու այս և այն կարողութեան կրթելուն է ծառայում, արժէք ունենայ ոչ թէ ինքն լիսս ինքեան, այլ բարոյական նպատակի համար: Միմիայն բարոյաբանութեան այսպիսի զարթուելէ ազդեցութիւնի կարենք

2. *Տես. և М. Аврелинь. Секреть творчества. Вопросы философии и Психологии 1893.* Որի հիմնական գաղափարն է. И на основании всѣхъ этихъ наблюдений я вывелъ приведенное выше заключение, что падение талантовъ и творчества въ наше время объясняется всецѣло парящимъ въ наши дни матеріалистическимъ міросозерцаниемъ, — взглядомъ на человека какъ на высшее животное, безъ души, безсмертія, свободы воли и божественной сущности.

սպասել մեր երիտասարդութեան կրթութիւնն, որ անչափ մեծ տեղ է բռնում ժողովրդի յառաջադիմութեան գործում: Բայց մեր մէջ խիստ յետ է մնացած:

Խիստ յետ է մնացած, որովհետեւ մեր կրթողները սիրում են բռնանալ պատանիների վրայ, կոյր հնազանդներ դուրս բերել, ստրուկներ և ոչ թէ ազատ մտածող և գործողներ տալ, որպէս զի հեղինակութիւն մնան միշտ դոցա վերայ: Այդպիսով վիչացնում են աստուածային այն նշոյլի գիտաստութիւնն, որ կայ իւրաքանչիւր մարդի մէջ, այդպէս և անասնացնում են նոցա: Տուէք նորան կրթութիւն, հասկացրէք ամեն պարտիքի և բարոյականութեան էութիւնը, յարգեցէք նորա արժանիքը, գտէք նորա անհատական առանձնայատկութիւնները, շարժեցէք նորա ինքնուրոյն մտածողութիւնը բարոյական կեանքի նկատմամբ և սաշխատեցէք ուղղել նորա պակասութիւնն՝ որպէս քո անձնականդ անձի տէր դարձրէք նորան, — և դուք կուենհար կրթուած մարդ, որ կձգտի ինքն և սաշխատել ձեր երախտիքը հատուցանել մի ուրիշ պատանու: Մեզ հարկաւոր են ազատ և ազնիւ մտածող գործողներ, և ոչ թէ ստրուկներ, որոնք հետեանք են կոյր հնազանդութեան և ձեւական նմանողութեան: Ժլատ մարդիկ, որոնք պատահաբար կամ մեքենայաբար են այս և այն գիտութեան հետեւում, չեն տալիս իւրեանց «գանձն» ուրիշին. կրթողը չպէտք է ժլատ լինի, այլ պէտք է տայ պատանուն գանձեր¹, որպէս զինա հարստանայ և զօրաւոր լինի հոգու լուսաւորութեամբ:

1. Զի նախ ի միտսն գանձին հնարք արուեստիցն, և ապա յիշատակք իրացն վարդապետին ի զգայութիւնսն. Ս. Գրիգոր լուսաւորիչ. յաճախ էջ 40:

Սիրողները (diletante) և մեքենայական գիտոսակներն են միայն սնաւերների, փանջի երկուսն և սպարաստ են իւրեանց «մասնագիտութիւնը» թողնելու: Հէնց որ հացի լաւ ճանապարհ տեսնեն, նորա գիտութիւնն են ինքեանց ծառայեցնում և ոչ թէ ինքեանք են գիտութեան ծառայում: «Լրջութեամբ գործադրուած սիրողութիւնը (diletantisme) և մեքենայաբար յառաջ տարւող գիտութիւնը դառնում են իմաստակութիւններ, ասում է Գեօթէ: Ի որանից է՝ որ կօշկակարի տեղ հացթուխ է նստում:

սակայն չպէտք է մոռանալ որ Հայ ժողովուրդը շատ ունի հոգևոր գանձեր և ինչ որ տանք նորա ունեցած գանձը բեղմնաւորելու համար է: Այդպէս պէտք է տալ և այն ժամանակ նա կպտղաբերէ ինքնուրոյնաբար մէկին տասը, մէկին հարիւր, մէկին հազար:

Ահա բարոյաբանութեան մանկափարձական գրօշակի նշանաբանը:

Բայց Հայաստանեայց եկեղեցու բարոյաբանութիւնը պէտք է կազդուրէ իւրաքանչիւրին՝ նորա Հայրերի և առ հասարակ նախնեաց բարոյական գաղափարներով և առաքինական սկզբունքներով: Քրիստոսի աւետարանի այդ պատմական սնունդը հզօրագոյն աճեցուցիչ միջոցն է Հայ պատանու և Հայ ժողովրդի զուարթ հոգու համար:

25

Գ. ԿՐԹՆԱԿԱՆ ԱՍՏՈՒԱԾԱԲԱՆՈՒԹԻՒՆ:

Արդէն մտնում ենք այն շրջանն, որտեղ աստուածաբանը գործունէութեամբ պէտք է փայլի: Արբան նորա գործնական տեսութիւնները ճիշդ և որոշ լինին իւր համար, այնքան յաջող կլինին նորա գործերը: Քանի որ նորա ասպարէզը եկեղեցին է, հասկանալի է որ նախընթաց բոլոր առարկաները պէտք է անցած իւրացրած լինի և սպա թէ օրինաւոր գործունէութիւն վարէ: Միայն այդպիսի նախապատրաստութեամբ կարող է նա

1. «Կրթութիւնն է մտածողութեան մի եղանակ, որ ամբողջ հոգևոր և բարոյական ձգտման ճանաչողութիւնից և զգացմունքից ներդաշնակաբար սփռում է զգայութեան և մտքերի վրայ», ասում է Ալիշեյմ ֆոն Լումբոլդ:

Օգտակար ձեռնարկ կարէ լինել բարոյաբանութեան համար Мартенсень, Христианское учение о нравственности, որ հոլլանդացի նշանաւոր պրոֆեսոր Եպիսկոպոսի հեղինակութիւնն է՝ լութերական եկեղեցու ուղղութեամբ: Յիշելի է և Вудтъ, Этика. Изслѣдованіе фактовъ и законовъ нравств. жизни. Спб. 1887. К, Г. Дебальскій, О высшемъ благѣ или о верховной цѣли нравственной дѣятельности. Спб, 1886. О. Тернеръ, христианск. воззрѣніе на жизнь Спб. 1879.

մէակ լինել այգւոյն ճշմարտութեան, ջանալով իրականացնել Աստուծոյ արքայութիւնն, որ նորա միակ խնդիրն է:

Գործնական աստուածաբանութիւնն ունի և իւր տեսութիւնը թէ ինչպէս պէտք է վարել գործնական այս ու այն շրջանը: Հարկաւ աստուածաբանական բոլոր առարկաների նպատակը գործն է և այդ առարկաների տուածները գանձեր են, որոնք գործի մէջ պէտք է սերմանուին, սակայն գործնականի մէջ տեսութիւնն ևս միմիայն գործերի վրայ է. նա տալիս է գործունէութեան արուեստըն, որ բլխում է ամբողջ աստուածաբանութեան հիմունքներից: Վասնորոյ աստուածաբանութեան պսակն ու ծաղիկը գործնական աստուածաբանութիւնն է. նա ստանում է իւր անման սնունդը նախընթաց գիտութիւններից: Աւրեմն գործնական աստուածաբանութիւնը գործելու գիտելութիւն է. առանց գիտենալու թէ ինչպէս պէտք է գործել, չի կարելի գործել. գիտենալ և կարենալ՝ միասին պէտք է լինեն: Գիտենալու նպատակը կարենալն է. բայց կարենալու աղբիւրը գիտենալն է: Այն ի՞նչ քարոզ կլինի, եթէ քարոզիչը չհանած լինի իւր բոլոր ասելիքները կանոնաւոր նախապատրաստութիւնից և մտածողութիւնից. այն ի՞նչ պաշտամունք, եթէ հոգւորականը չհասկանայ իւր արածի, ալօթքի էութիւնը. այն ի՞նչ հովուութիւն կլինի, եթէ հովիւը չգիտենայ թէ ինչպէս գործէ, որպէս ղի իւր հօտի մի գառն անգամ չըվնասուի. ի՞նչ ուսուցչութիւն՝ եթէ կրօնուսոյցը համոզմունք չունենայ և չկարենայ իւրաքանչիւր խօսք բարի սերմ գարձնել: Եւ մի՞թէ կարէ ոք շարունակել Հայաստանեայց եկեղեցու յառաջագիւծութեան ճանապարհն, եթէ նա հոգով և մարմնով միտած չէ նորա պատմական կեանքի մէջ: Կամ կա՞յ փրկութիւն ժողովրդին, եթէ նա ս. Գրքի մէջ չէ գտնում իւր հոգւոր արօտը: Կարո՞ղ են ժողովրդի վարդապետը լինել, առանց Հայաստանեայց եկեղեցու քրիստոնէական դաւանաբանութեան և բարոյաբանութեան ուսումնասիրութեան. կարո՞ղ են հօլուել ք՞հօտն, առանց գիտենալու՝ թէ որ անկիւնում կայ խորխորատ կամ ո՞ր ծմակում գայլ գիշատիչ: Եւ կամ կկարենա՞ս ժողովրդի վերքերը բուժել՝ առանց ճանաչելու նորա կեանքը կամ առանց

աստուածային սպեղանիք ունենալու պատրաստի: Այ՛ ոչ, խղճուկ հովիւ. նախ պէտք է արածես և ապա արածացնելու վարժուիս: Միմիայն պաշտամունք կատարելը չէ հովուելը. պաշտամունքը ձեռականութիւն դարձնելով՝ ծաղրական է դառնում և հովուի գիրքը. գիտացիր ի՞նչ է արածդ և ինչի՞ համար. թող գիտաստութիւնիցդ բղխի բոլոր արածներդ, որպէս զի զգաս և զգացածդ զգայ և ժողովուրդդ. թող համոզմունքից ելնէ խօսքդ, որպէս զի հասկանաս և հասկացածդ ըմբռնէ լսողդ: Ապա թէ այ՛ հովիւ չես լինիլ հօտը դէպի Հայաստանեայց եկեղեցու սփարսիւր տանող, այլ անպարար՝ ժողովուրդն անապատի և գահալիժութիւնների ՚րայ ցրուող:

Ի՞նչպէս կ'իտրէ եկեղեցու կառավարչական զեկը ձեռապաշտ, բայց գործի էութեան անխելամուտ անձը. մի՞թէ կցաւեցնեն նորան ժողովրդի վէրքերն, երբ նա միայն ձեռականութեան է պաշտող և հոգեւոր վարիչ չէ: Այդպիսի առաջնորդութիւնը կլինի ոչ թէ քրիստոնէութիւն, այլ հրէութիւն, պահանջող ձեռականութեան, բայց ոչ հոգեւոր ուղղութեան, ձեռական աստուածապաշտութեամբ, բայց ոչ «հրգով և ճշմարտութեամբ»: Այստեղ կհնչի Քրիստոսի զարհուրեցուցիչ խօսքը. «առաջնորդք կոյրք, որ զմիզուկս քամէք և զուզաս կլանէք»:

Դու կրթիչ՝ քեզ նայող մատաղ սերնդի դու հովիւ քեզ հաւատացած գաւռներին, դու առաջնորդ Հայաստանեայց եկեղեցու հօռին. սոսկա ժողովրդի կորստեան պատճառ լինելուց. պատրաստ պահէ սպեղանիք և վիրակապ ժողովրդի վէրքերի համար. ճանաչէ նորա ցաւերն ու վշտերը՝ մխիթարիչ և փարատիչ լինելու համար. սոխորէ բժիշկ լինել նորան, վարիչ լինել նորա կեանքի. գանձ ժողովէ աստուածային գանձարանից՝ կարօտ ժողովրդիդ բաժնելու համար: Ժողովրդի արցունքը քեզ թող վշտացնէ, ցաւը — քեզ կսկծեցնէ. բայց լաւ կան մի գառնար նորա համար, այլ սխտիչ, բուժող, օգնական կրթիչ, խրատիչ և կերակրող, գիտացիր, որ «համարս տալոց»¹ ես՝ քեզ հաւատացած ժողովրդի մասին ամենքի Հօր առաջ:

Ահա թէ ինչի համար է աշխատեցնում և կրթում գործնական աստուածաբանութիւնը:

Գործնական աստուածաբանութիւնը զարգանում է նոյն իսկ եկեղեցու կեանքի մէջ նորա անցեալից, և ցոյց է տալիս այն ճանապարհներն, որոնցով կարող կլինի հալիւր հոգալ իւր հօտի համար այն պակասութիւններն, որոնք պարտէ լրացնել կամ այն թերութիւններն ու վերքերն, որոնք պէտք է ուղղել և բժշկել:

Ամբողջ գործնական աստուածաբանութիւնն ունի երեք որոշ շրջաններ. մէկ կրօնուսուցչութիւն, որ պէտք է կրթէ երեխաներին Հայաստանեայց եկեղեցու ճշմարիտ որդիք լինելու, մէկ պաշտօնակատարութիւն եկեղեցու մէջ, այն է պաշտամունք և քարոզ, և նորա շուրջ՝ համայնքի մէջ, այն է՝ հովուական գործունէութիւն, և մէկ գործունէութիւն եկեղեցական կառավարչութեան վերաբերմամբ, այն է եկեղեցու իրաւաբանական և քաղաքագիտական շրջանի մէջ, որ է ընդհանուր առաջնորդութիւնը: Տեսնում ենք ուրեմն որ գործնական աստուածաբանութեան մէջ երեք ճիւղեր կարեն նկատուել՝ պաշտական, վարդապետական և վարչական, սակայն իրարից չեն կարող կտրուի զատուիլ, զի բնոյթով յերկուսում են միմեանց հետ: Երէքն ևս անհրաժեշտ նախապատրաստութիւններ են իւրաքանչիւր հոգևորականի համար և մէկը միւսից գերադասուել չի կարող: Արջափ ժամանակ գոյութիւն ունի եկեղեցին՝ գոքա էական են համարուել, որպէս տեսնում ենք թէ առաքեալների թղթերից, թէ ուրիշ և թէ Հայաստանեայց եկեղեցու ս. Հայրերի գրուածներից: Սակայն ուսումնասիրութեան ենթարկելով պէտք է ունենանք ոչ թէ լոկ խրատների ժողովածու, այլ գիտնական պատճառաբանական բանակարգ՝ կապակցուած կեանքի բազմակողմանի փորձերի հետ: Երկայն այգալիսի գիտնական ուսումնասիրութեամբ կարող է հալիւր հասկանալ իւր խնդիրն և համազմունք գործել իւր համար թէ՛ «հալիւ քաջ զանձն իւր զնէ ի վերայ ոչխարաց»:

Հայրերէն կայ միայն նորերս հրատարակուած Հովուական աստուածաբանութիւն՝ Մեղքիսեղեկ եպիսկոպոս Մուրադեանի. Կ. Պոլիս. 1892: Տես և Ա. Vinet, théologie pastorale ou théorie du ministère évangélique. Paris 1850.

ԿՐԾՆՈՒՍՈՒՅՁՈՒԹԻՒՆ:

Կրօնուսուցչութիւնն բառից արդէն երևում է, որ այդ առարկան գործնական աստուածաբանութեան մէջ առաջին տեղն է բռնում ըստ որում և հօլուի սկզբնական պարտաւորութիւնն է ուսուցանել և հաւատացեալ ժողովուրդ պատրաստել՝ իւր եկեղեցում մկրտութիւն վայելած երեխաներից: Բաւական է որ երեխան մկրտուեց՝ նա արդէն մտնում է քահանայի ուսուցչական շրջանն և պէտք է եօթ տարեկան դառնալուց յետոյ իւր կրթութիւնն եկեղեցու հօլուից ստանայ ¹: Դորա համար են Հայոց եկեղեցական ծխական ուսումնարաններն, որոնք կազմում են Հայաստանեայց եկեղեցու ս. գաւիթներն, որտեղ երեխան՝ նախքան որեւիցէ ուսումն պէտք է անպատճառ հայերէն լեզուին և դորանով Հայաստանեայց եկեղեցու քրիստոնէական կրթութեան ընտելանայ: Այստեղ ուսումը ձրի է և ուրեմն մատչելի է բոլոր խաւերին. իսկ եթէ ոմանք ուրիշ մասնաւոր ուսումնարանների են տրւում, այնտեղ ևս Հայոց եկեղեցու քահանան պարտաւոր է Հայոց կրօն և դորա համար Հայոց լեզու աւանդել և երեխային այնքան կրթել, որ նա զգայ թէ ինքը Հայ է և Հայոց եկեղեցուն է պատկանում հաւատքով և համոզմունքով: Քահանան ի հարկէ պարտաւոր է լաւ ծանօթ լինել մանկավարժական շաւղին և երգուեալ մշակ լինել Հայաստանեայց եկեղեցու, այլ և ձգտէ գրաւել երեխաներին հայրական սիրով և քաջալերական նուէրներով. նա պէտք է և յաճախելով ընտանիքները՝ հովուական ազդեցութիւն ունենայ երեխայի գաստիարակութեան յառաջադիմութեան վրայ: Այս կրօնուսուցչութիւնն արդէն անկապտելի իրաւունքն է իւրաքանչիւր քրիստոնէական եկեղեցու:

Բայի երեխաներից, քահանան կրօնուսուցիչ է նոյնպէս նորա-

¹ Արեւմտեան եկեղեցիներում այս կրթութիւնը տրւում է մինչև 14 տարեկանն և ապա դրոշմուժ ուսուցումը լինում է յաճախ նոյն իսկ եկեղեցու մէջ, եթէ ոչ քահանայի տանը:

գարձներին (եկամուտ, proselyte) և նորահաւատներին (convertite) այսինքն՝ քրիստոնէութիւնը նոր ընդունածներին և ուրիշ եկեղեցուց գարձածներին: Հայոց եկեղեցու քահանան պարտաւոր է գոցա ուսուցանել Հայաստանեայց եկեղեցու քրիստոնէական վարդապետութիւնն, որպէս զի հաւատարիմ անդամներ լինեն Հայ Տօմին, և տպա ընդունել իւր ս. վարսիսի մէջ:

Բայց սորանով չէ վերջանում քահանայի գործը. նա պարտաւոր է յետոյ ևս հսկել իւր աշակերտածներին, որպէս զի գոքա փոքր ի շատէ շարունակեն իւրեանց ստացածը բեղմնաւորել: Նա պարտաւոր է յորդորել ընտանիքներին, որ ուսումնարան ուղարկեն իւրեանց որդիներին, իսկ եթէ կան անուսումն երիտասարդներ, կիրակնօրեայ ժամերին ժողովել նոցա և անհրաժեշտ ծանօթութիւններ տալ:

Կրօնուսոյցը պէտք է հօգեբանական հասողութեամբ ջանայ կրթել երեխայի հօգին, ներշնչել նորան քրիստոնէական ոգի, իսկ այդ կլինի մանկավարժական դատտիարակութեամբ, սակայն այդ սմենը պէտք է այնպիսի շաւղով ընթանայ՝ որ տպա առաջնորդէ երեխային դէպի Հայաստանեայց եկեղեցին: Կրօնուսուցչութիւնը խրատական արուեստ չէ, այլ վարժողական, կրթական սնունդ. նա պէտք է միայն զարգացնէ այն կայծն, որ գրուած է Աստուածանից իւրաքանչիւրի սրտում, և աճեցնէ այն սերմն, որ հայութեան մի մանրաշխարհ է ամեն մէկի մէջ¹: Տալ հետըզհետէ, գրգռել երեխայի հօգին, զնել նորա առաջ օրինակելի տիպարների, բանալ նորա աչքի առջև կրօնական նշանաւոր, իրողութիւնների տեսարանների, Քրիստոսի կեանքից հանգէսների, Հայաստանեայց եկեղեցու անցեալ պատմութիւնից սխրագործութիւններ և նուիրական անձերի կենսագրութիւններ, սակայն միշտ էական նշանակութիւնը պարզելով, այս է կրօնուսուցչութեան հիմնական սկզբունքների ամփոփումն:

1. Ի նկատի ունենալով հոգևոր ժառանգականութիւնը, կկարենանք յառաջագէտ և շնորհալի սերունդ ունենալ՝ միմիայն կրթուած ծնողներ պատրաստելով. ուստի կրթութիւն է պէտք և ոչ պաշարատուութիւն:

Գործնական աստուածաբանութեան կրօնուսուցչութիւնն իսկապէս մանկավարժութեան է պատկանում և ձգտում է սովորցնել թէ ի՞նչպէս պէտք է ուսուցանել՝ ամենից հեշտ կերպով նրպատակի հասնելու համար: Այս խիստ նշանաւոր է Հայոց զըպրօցների համար մանաւանդ այն պատճառով որ մինչև այժմ հին հարց ու պատասխանի մեքենայականութիւնը դեռ մնում է, որ բթացնում է երեխային՝ առանց մի օգուտ տալու: Այդ պէտք է բոլորովին թողնուի և աստիճանաբար ուսուցումը մշտական նշանակութիւն ստանայ: Բաւական է որ առաջին տարին շարժուի երեխայի կրօնական տրամադրութիւնը ս. Գրքի հասարակ և պարզ պատումներով, գեղեցիկ և կարճ ասացուածների սերտելով, երգելով, աղօթելով և կարգալով, նա կկրթուի, իսկ ապա կհետևին կապակցեալ պատմութիւններ և ուղղակի վարդապետական ուսուցումներն, և վերջապէս նախապատրաստութիւն կտրուի պատանուն կամաց կամաց համայնական կեանքի մէջ մտնելու, հաղորդութեան խորհուրդը հասկանալու իւր բոլոր պահանջներով և թէ ս. Գրքի և պաշտամունքի էութեան խելամուտ լինելու: Երեխան մայրենի բարի սովորութեամբ արդէն վայելում է սկզբից աստուածային այդ բարիքները Հայաստանեայց ս. եկեղեցու ծոցում, սակայն գիտաստական վայելումը լինում է որոշ հասակում և դորա համար պէտք է աշխատի քահանան տալ նախապատրաստութիւն և ապա առաջնորդել նորա ուշագրութիւնը նաև եկեղեցում: Այս դէպքում անհրաժեշտ է և երեխանների համար յատկապէս քարոզ խօսել, առաւել լաւ հէնց ծխական երկգետսեան դպրոցի աւարտումից յետոյ, խրատելով նոցա՝ որ լինին երկիւղած և ջանասէր անգամներ հասարակութեան, հնազանդ որդիներ և սիրալիր եղբայրներ:

1. Արեւմտքում կարգաւորուած՝ մանկական պաշտամունք ևս կայ, որ մանկավարժական մեծ պահանջ է մանկական կրթութեան գործում: Մանուկների համար պէտք է դարձնել մանաւանդ Քրիստոսի ծննդեան տօնն և քարոզի նիւթ անել նորածին Փրկչին, Նոյնպէս և Տրդատի և ս. Գրիգոր Լուսաւորչի (մանուկ հասակում փախուստը), երեք մանկանց և այլ նման տօները:

Գժուար է այս ուսուցումը՝ սակայն հասարակութեան ամենանշանաւոր հիմունքն է և եկեղեցու կրթական բարձրագոյն խնդիրը: Քահանային անհրաժեշտ է շատ վարժութիւն՝ այդ գործը վարելու համար և այս պարտիքը ծանրանում է թեմական դպրոցների և մանաւանդ ս. Էջմիածնի Հոգևոր ճեմարանի վրայ: Ժողովրդի յառաջագիմութեան յոյսն երեխաների վրայ է և «այդպիսեացդ է արբայութիւն երկնից»: Վա՛յ նորան, ով որ գայթակղեցնում և մոլոր ընթացքի վրայ է դնում մատաղ սերունդի ուղղութիւնը. նա չի արդարանալ ոչ մարդկանց, ոչ խղճի և ոչ Աստուծոյ առաջ: Բայց և երա՛նի այն հովուին, որ կարող է պարզերես ասել. «Ահաւասիկ ես և մանկունք իմ՝ զոր ետ ինձ Աստուած» 2:

(Շարունակելի)

Ա. ՏԷՐ-ՄԻՔԵԼԵԱՆ.

1. Թերևս կարենան ձեռնհաս անձինք կիրականօրեայ դասախօսութիւններ անել այդ մասին կրօնուսոյցների, ծնողների և դասախարակների համար:

2. Եսայ. 6, 18. Եբբ. Բ. 13.